

**Agong Terima Menghadap Timbalan Presiden Vietnam, Presiden Kosovo
Bernama
6 June, 2013**

KUALA LUMPUR, 6 Jun (Bernama) -- Yang di-Pertuan Agong Tuanku Abdul Halim Mu'adzam Shah hari ini berkenan menerima menghadap Timbalan Presiden Republik Sosialis Vietnam, Nguyen Thi Doan di Istana Negara di sini.

Majlis selama setengah jam itu berlangsung di Dewan Seri Mahkota. Turut hadir Duta Besar Vietnam ke Malaysia, Nguyen Hong Thao.

Seri Paduka kemudiannya berkenan menerima menghadap Presiden Republik Kosovo, Atifete Jahjaga yang berlangsung di Dewan Seri Maharaja Istana Negara.

Kedua-dua mereka tiba ke negara ini sempena Sidang Kemuncak Wanita Global 2013 (GSW) yang berlangsung mulai hari ini sehingga 8 Jun.

Bertemakan 'Wanita: Mencipta Ekonomi Baharu' sidang kemuncak selama tiga hari itu turut menarik lebih 80 penceramah dari seluruh dunia bagi berkongsi pengalaman mereka berkaitan wanita dalam perniagaan.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=954381>